

Intre no : amikale di patèjan dè Friboua è inveron

Autor(en): **Oberson, Dzojè**

Objekttyp: **Article**

Zeitschrift: **L'ami du patois : trimestriel romand**

Band (Jahr): **24 (1996)**

Heft 93

PDF erstellt am: **21.06.2024**

Persistenter Link: <https://doi.org/10.5169/seals-243622>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Pages fribourgeoises

INTRE NO

Amikale di patèjan dè Friboua è inveron

Chin vo j'intèrèchèrè pout'ithre de chavè chin k'puyon bin fére lè patèjan dè Friboua. Vo deri tot-a làra ke kan chè krèjon in vela, la grocha partya dè nouthrè minbro ètsandzon kotyè mo in patè. Kan on chè dèvejè, du trè dè no, no chan pâ mé le franché.

Ora, vo vu bayi kotyè novalè dè nouthr' amikale, vo vèri k'chin va pâ tan mô.

Le dechando 27 dè janvié pacha, a 14.30 àrè no j'an j'à nouthra tenâbya ou kabarè dou Jura, a Friboua. A l'ara prèyu, nouthron dèvouâ prèjidan, Albè Bovigny, l'a ourà ha tenâbya avui di grahyàjè chalutachyon po ti. L'a kouâ la binvinyète a nouthron prèjidan d'anà, Francis Brodâ, achebin prèjidan kantonal, a Madama Folly, nouthr'anhyanna dè nonantè katr'an, è ou prèjidan d'la Grevire, André Patchi, k'l'a rèpondu a nouthr'invitachyon.



Na chouchantanna dè minbro chè chon dèpyèthi po oure nouthron bi lingâdzo. To l'a pachâ kemin na lètra a la bouêthe, fô dre k'no j'an rin dè tyintà din nouthra chochiyêtâ è pu ch'n'indavi on, chin bayèrè on bokon dà ya è pout'ithire na mouâcha a rire. Le "protocole" dè l'an dèvan l'è jou yè pè chon n'ôteu, vouthron chèrvetâ. Din chon rapouâ, le prèjidan l'a rètrachi l'aktivâtâ dè nonantè-thin.

No j'an j'à na bala fitha a Drognin è nouthra vèya dè l'outon fâ pyéji a to le mondo. Le bochè n'o j'a rèdzoyi lè j'oroyè, la tyéche chè pouârè kemin na brechàla dè vint'an. Chti-an, nouthr'amikale l'arè na bal'aktivâtâ. No j'arin le loto ou mi dè mâ, le match i kârtè ou mi d'âvri, na marinda ou mi dè mé, on "pique-nique" a la Montanye dè Velâlou ou mi dè jouin, na chyâte in "car" è po fourni la vèya dè paté a Lentigny. Kemin ti lè j'an, na kobya dè nouthrè minbro oudron a Vounetz.

A l'okajyon dè nouthra marinda, no fithèrin lè karant'an dè nouthr'amikale. No keminthèrin pè na mècha a Chinte Tréje, po hou ke volon, pu l'apéro è la marinda. No totsèrin dè trovâ na galéj'animachyon po le richto d'la vèya.

Nouthron prèjidan, Albè Bovigny, è nouthron prèjidan d'anâ, Francis Brodâ l'an prè kondji dou komité. Francis Brodâ n'in dè j'à karant'an, don vint-è ché kemin prèjidan. Albè Bovigny n'in d'è j'à na vintanna d'an, don dji kemin prèjidan. Chin fâ na pchintà chyâye po ti dou.

Po chon bi dèvouèmin, Albè Bovigny l'à j'ou nomâ prèjidan d'anâ. In rêmârhyèmin è in chovinyi po to chin k'l'an fê, no lou j'an a ti dou rèbetâ on kado bin m'r'tâ. Bravô a hou dou châkro dou patè.

Dou novi minbro chon j'ou noma po lè rinyèthi. Djan Morel è André Chèdou l'an akchèptâ ha tserdze, po tru pèjanta. Le novi komité cherè pâ tru mô pyantâ. Lè dou viyo prèjidan cheron dèrè po tsèvanthi è la tyéche ché pouårtè bin.

Le novi komité ché tot-a l'âra konchtituâ.

Le prèjidan cherè vouthron chèrvetâ ke chàbrè a Marly.

Viche-prèjidan, Maximin Beaud, a Friboua.

Chekretéro, Djan-Marc Oberson, a Friboua.

Bochè, Luvi Gumy, a Velâ-chu-Yanna.

Rèchponchâbya dou "fichier", Colette Clerc, a Velâ-chu-Yanna.

Minbro, Djan Morel è André Chèdou, a Friboua

Chi komité li fudrè bin ch'inboralâ è ch'apyéyi in rèya po pâ véchâ le tsé ou premi kontoua. Dè totè fathon, no dèfindrin le patè avui kâ.

Dzojè Oberson



ON OMADZO BIN M'R'TA

La demindze dou 26 dè novanbre 1995 l'è a marka d'na péra byantse din nouthron tyinton dè Friboua.

Po keminthi, i rèlèvèri l'intronijachyon dou novi Evètyè. Monchènyeu Médé Grab, a la katèdrâla dè Chin Nikolé a Friboua. Por on kou, ha nominachyon l'è jou akchèptâye chin tru dè boura d'la pâ pè to le mondo, mimamin pè lè dzin di gajètè. Por on kou lè gran journalichte l'an pâ ronyachi è l'an rin trovâ a rèdre chu chi novi Evètyè. D'apri chin k'la de, Monchènyeu Grab cherè pri dè ti. Din chi l'échprèchyon, i âmèré bin krêre k'ti lè pouro dyâbyo cheron achebin d'la partya. Din ti lè ka, a nouthron novi Evètyè, li kouâjo to dè bon din chon minichtéro.